

Stichting Musica a entrega premionan Aruba Caiso & Soca Monarch 2018



ORANJESTAD (AAN): Diaranson, 7 di februari, Stichting Musica a entrega e premionan monetario den un ambiente ameno na Balashi Beer Garden na cada cantante, compositor y areglista ganador di Aruba Caiso & Soca Monarch 2018 den categoria di Caiso y Soca.

Premio a ser entrega tambe na e Best Entertainer Costume y tambe Best Uniformed Band. E premionan a ser entrega na nos Caiso King 2018 Mervin "Blacky" Baptiste - "Because Ah Black" y su compositor y areglista Adolfo Richardson. Blacky a hiba e premio tambe di prome finalista Soca y compositor di e Soca "Do what You Want" cu su areglista Rocky Everon. Caiso prome finalista Carl "Galloway" Roosberg - "To Make My Country Proud" y premio compositor y areglista.

El a hiba e premio tambe di compositor pa e cancion prome finalista di Soca "Do you what you want". Caiso segundo finalista Richard "Tattoo" Quant cu e cancion "Den Mi Sonjo" y tambe ganador di su mesun composicion. Areglista pa e cancion aki ta Mark Maduro. Soca Monarch 2018 Antonio "T-Money" Mingo - "Sideliners" y su compositor y



areglista Antoni Gario kende a ricibi su premio.

Soca segundo finalista Freddy "Rasta" Richardson - "For Once and For All" como ganador y tambe como compositor di su cancion hunto cu Shaqem Thomasia y Jonathan Thiel y su areglista Ryggel Isabella.

Best Entertainer Costume a ser otorga na Tommy -Lee Halman, cual premio ta powered pa Aruba Bank. Best Uniformed Band tabata e banda Buleria y tambe powered pa Aruba Bank. Premionan a wordo entrega dor di representantenan di e sponsornan di Aruba Caiso & Soca Monarch 2018 cu tabata presente pa celebra e anochi special hunto cu Stichting Musica y e ganadornan.

E MC di anochi, Melvin Garcia, a habri e evento introduciendo Presidente di Stichting Musica, sra. Edwina Werleman, y a ricibi esnan presente cu un palabra di bon bini y na unda el a expresa su satisfaccion cu e resultado y acogida di e festival.

Den number di e directiva completo di e fundacion Sra. Werleman a gradici tur patrocinador y colaborador cu a haci e 4 anochinan di Aruba Caiso & Soca Monarch 2018 posibel. El a expresa tambe cu pa pone un festival di e mag-




nitud aki, esun di mas grandi di Aruba, ta hiba hopi tempo y dedicacion cu un reto masha grandi su dilanti pa por cumpli cu tur gasto y preparacion.

Stichting Musica a extende palabranan di pabien y gratitud inmenso pa e Branding Partners di e festival cu ta kere den e product y ta respalda nos artistanan local.

Por ultimo Stichting Musica a expresa nan gratitud na tur medio di prensa y radio emisora en general y specialmente esnan cu a transmiti e festival tur cuatro anochi "live".

Riba e potretnan pormira un poco di e ambiente durante e entrega di premio di Stichting Musica.



OPROEPING:

De griffier van het Gerecht in Eerste Aanleg van Aruba roept hierbij op:

- Chris Arvin galsim FLORES, zonder bekende woon of verblijfplaats.

om op 8 mei 2018 om 9.45 uur voor de rechter in het Gerechtshof in Aruba te verschijnen, teneinde te worden gehoord in verband met een door Roslie Ann Madarang Verses, ingediend verzoek m.b.t. ontkenning vaderschap v/d minderjarige (EJ-2438/17-AUA201702972).

de Griffier,
E.E. de Weever